



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1514. usque ad annum 1520

Fleury, Claude

August. Vind. [u.a.], 1769

VD18 90118464

§. 19. Responsum Erasmi ad Lutherum

[urn:nbn:de:hbz:466:1-66414](#)

Sæc. XVI.
A.C. 1519.

Melanchtonem induxit, ut ipsum datis ad Erasmum literis commendaret; quod ipsum etiam præststit Melanchton Mense Januario Anni supra millesimum quingen-tesimi decimi noni: cum autem hæc epistola successu careret, ipse Lutherus sequentem ad Erasmodum epistolam dedit.

epist. 4. l. 6.

Salutem tibi, toties ego tecum fabulor, & tu mecum Erasme decus nostrum, & spes nostra, ne cum mutuo nos cognoscimus, si tamen ita tibi visum fuerit, agnosce & hunc fraterculum in Christo tui certe & studiosissimum & amantissimum, qui de cetero pro inscitia sua nihil meretur, quam ut in angulo sepultus, communi & cælo & soli ignotus esset.

§. XIX.

Responsum Erasmi ad Lutherum.

l. 6. ep. 4.

Huic epistolæ Erasmus humanis admodum verbis respondit, atque huic Hæresiarchæ saluberrima juxta ac prudentissima dedit consilia, dummodo ea sequi volueris; inter alia eundem hisce verbis admonuit: *Mihi videtur plus profici civili modestia, quam impetu. Sic Christus Orbem in suam ditionem perduxit, magis expedit clamare in eos, qui Pontificum auctoritate abutuntur, quam in ipsis Pontifices. Idem de Regibus faciendum censeo, ubique cendum, ne quid arroganter, aut factiose loquamur, faciamusque. Interea servandus animus, ne vel ira, vel odio vel gloria corrum-patur;*

patur; nam hæc in medio pietatis studio so-
let insidiari, denique Lutherum hortatur, Sæcul. XVI.
A.C. 1519.
ut Christum prædicet, atque ejusdem cognitionem populo ingerat, cultumque atque adorationem ipsi debitam cunctis inculcat, non autem illis ævi sui Prædicatoribus se conformet, qui aut ex ignorantia, aut ex præconceptis opinionibus (*), vel hominum fabulas vel suum quæstum prædicant.

§. XX.

(*) Hæc Continuator ex suo supplevit, cum tamen Erasmus hæc tantum dixerit: *Degustavi commentarios tuos in Psalmos; vehementer arrident & spero magnam utilitatem allatueros. Est Antwerpice vir pure Christianus, qui te unice adamat tuus olim discipulus. Is omnium pene solus Christum prædicat, ceteri fere aut hominum fabulas, aut suum quæstum prædicant.* Quid de fidei integritate in ejusmodi viro censendum, qui publici cujusdam damnati hæretici libros & doctrinam deprædicat, atque ad ulterius spargendum virus incitat? quid de eo, qui ejusmodi actionem ac epistolam velut *summe Christianam* venditat? Immodica, qua Continuator hallucinantem etiam Erasmum commendet, encomia eum jam dudum viris prudentibus valde suspectum reddiderunt.